



Saksframlegg

Sakshandsamar:	Personalavdelinga	Maud Sleire Holmaas		
Avgjerslemynde:		Arkivnr.: 14/973	Klassering:	

Tilsetting av kommunal tannlege

Administasjonsutvalet får med dette lagt saka fram til drøfting/eventuelt for vedtak

Saksopplysningar:

Bakgrunn og Fakta

Våren 2016 vart den fylkeskommunale tannhelseklinikken i Masfjorden lagt ned etter vedtak gjort i mars i fylkestinget knytt til ny klinikkstrukturplan for tannhelse i Hordaland. Samstundes vart tannklinikane i Modalen og på Fedje lagt ned, samt mange andre klinikkar rundt omkring i Hordaland.

I punkt 6 i vedtak om Klinikkstrukturplanen står det :

«Der klinikker vert lagt ned, skal ein undersøke om det er potensiale for kjøp av private tannhelsetjenster som eit alternativt tilbod til innbyggjarane i området.»

På bakgrunn av dette vedtaket hadde fylkestannlegen inne ei stillingsannonse i august, med frist 19. september 2016, der det vart søkt etter private tannlegeverksemdar som kunne gje tilbod om å drive tannklinikane i Masfjorden, Modalen og på Fedje. I annonseteksten stod det følgjande:

Fylkestinget vedtok i mars 2016 å leggje ned dei offentlege tannklinikane i kommunane Fedje, Masfjorden og Modalen. Innbyggjarar i dei tre kommunane skal i framtida få sitt tannhelsetilbod på Knarvik og/eller Lindås tannklinik.

Fylkestannlegen i Hordaland vurderer å inngå avtale om kjøp av private tannhelsetenester i kommunane Fedje, Masfjorden og Modalen. Dei tre kommunane vil ev stille tannklinik med nødvendig utstyr til disposisjon. Tenestene vil omfatte tannhelsetilbod til barn og unge 0-20 år, psykisk utviklingshemma, eldre og uføre i institusjon og i heimesjukepleie, samt personar i rusomsorga. Det vil vere behov for ca 40% tannlege- og tannhelsesekretærstilling samt 20% tannpleiarstilling. Der er kun aktuelt å inngå avtale for eit samla tannhelsetilbod i alle dei tre kommunane. Det private tannhelsetilbodet må organiserast slik at det blir gitt regelmessig etter oppsett plan.

Det vil bli stilt krav om:

- Godkjent norsk autorisasjon for alle yrkesgrupper
- For å ivareta det førebyggjande arbeidet må tannpleiarressursar vera tilknytt tilbodet

- Tannhelseteamet må utføre tenestene i samsvar med tannhelsetenesta i Hordaland sine retningslinjer – og i samsvar med Helsedirektoratet sin veileder «God klinisk praksis»
- Fylkestannlegen vil ha fagleg ansvar for tenestene på prioritert klientell og vil føre tilsyn med verksemda
- Tannlegen vil få ansvar for rapportering på tannhelsa til definert grupper

Etter at søknadsfristen var over fekk Masfjorden melding om at det ikkje hadde vore søkjarar på denne annonsa, og at fylkeskommunen sin administrasjon no såg seg ferdig med oppfølging av punkt 6 i vedtaket. Saka har seinare vore tema i fleire drøftingar med både fylkesadministrasjonen og med sentrale politikarar i fylket.

Masfjorden kommune har og prøvd å sjekka ut om det kunne vera aktuelt for fylkeskommunen å inngå driftsavtale, om det vert tilsett kommunal tannlege tilknytt tannpleiar og sekretærressursar. Dette har kommunen enno ikkje fått vurdert som eiga sak. I Fedje kommune og i Modalen kommune er det framleis eit engasjement om å få til eit lokalt tannlegetilbod, og det har vore politiske drøftingar om vertskommunesamarbeid, utan at dette har vorte formalisert.

Ved å inngå ein driftsavtale med fylkeskommunen vil kommunen få refundert for tannhelsetenester knytt til dei prioriterte gruppene som er definert i § 1-3 i tannhelsetenestelova. Dette vil spesielt gjelda barn, unge og andre prioriterte grupper, mellom anna eldre som er mottakarar av heimesjukepleie og sjukeheimbrukarar m.fl, som har rett på gratis behandling og oppfølging.

Vurdering

Rådmannen har fått utforma ei stillingsannonse som det er viktig at administrasjonsutvalet tek stilling til. Det vert vist til vedlegget i denne saka. Her søker Masfjorden kommune etter tannlege i 100 % stilling. Dette skal vere med å setje kommunen i stand til å ta ansvar for det lokale tannhelsetilbodet, og setje i gang tidleg identifisering og førebygging innanfor tannhelse. Tilbodet skal ha hovudfokus mot barn, unge og andre prioriterte grupper som er definert i § 1-3 i tannhelsetenestelova. Det vert og opna for at det kan ytast tenester til vaksne pasientar mot betaling etter det regionale regelverket, om kapasiteten utover dei prioriterte gruppene opnar for dette.

Det kan verta aktuelt at stillinga kan inngå i eit samarbeid med Fedje kommune og Modalen kommune. Vidare vert det teke atterhald om at Hordaland fylkeskommune inngår driftsavtale med kommunen i medhald av § 5-1 i tannhelsetenestelova og om overføring av ansvar og tilgang til journalar, recall-lister m.m.

I tillegg vert både arbeidsoppgåver og krav til stillinga, samt personlege eigenskaper og formelle krav formulert i stillingsannonse. Rådmannen vil peike på at det faktum at det er ein uavklart situasjon om Hordaland fylkeskommune vil inngå ein driftsavtale, og at å tilsetja kommunal tannlege før dette er på plass er lite aktuelt både av økonomiske årsaker, men og i høve formelle krav knytt til tannhelsetenestelova med tilhøyrande regelverk.

Konklusjon

Administrasjonsutvalet får med dette lagt saka fram til drøfting/ eventuelt for vedtak.

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost